

Karin Lovise Korneliussen
Stranda 843
5993 ØSTEREIDET

Referanser:
Dykkar:
Vår: 20/18339 - 20/80977

Saksbehandlar:
Astrid Riise
astrid.riise@alver.kommune.no

Dato:
18.12.2020

Registrert avvik septiktank og førehandsvarsel om pålegg om retting og ilegging tvangsmulkt - gbnr 11/98 Hølleland

Tiltak: avvik i tank
Byggjestad: Gbnr: 11/98
Tiltakshavar: Karin Lovise og Trygve Korneliussen

Alver kommune har den 18.11.2020 motteke melding frå Norva24 AS om at det ved tømning same dagen vart registrert høgt nivå i septiktanken på eigedommen dykkar med adresse Stranda 843, 5993 Østereidet. Høgt nivå i tanken tyder på at den ikkje fungerer slik den skal, og fører til at massen i tanken kan sige utanfor lokket på tanken og forureine grunnen. I verste fall kan kloakk komme inn via avløpsrøret og inn i kjeller/sluk. Det vart og meldt om at det kjem for mykje grunnvatn inn, slik at tømmemannskapet ikkje får tappa ned. Sjå vedlagte bilete.

Når det er fare for forureining, skal den ansvarlege for forureininga sørgje for tiltak for å hindre at forureining skjer. Når forureining har oppstått skal den ansvarlege sørgje for å stanse, fjerne eller avgrense forureininga, jf. forureiningslova § 7.

Tilstanden må utbetrast. Frist for arbeidet vert sett til 21.02.2021.

Kommunen varslar med dette at vi vil påleggje dykk som grunneigare å rette opp avviket på tanken slik at den tilfredsstiller dagens krav til standard, og i tillegg er eit godkjend avløpsanlegg. I dette brevet finn de informasjon om kva de kan gjere for å unngå pålegg.

For å få utbetra ein avløpsleidning/eit avløpsanlegg må de kontakte eit godkjent rørleggarforetak. For tiltak som gjeld nytt lokk/lås eller liknande kan de sjølv utføre arbeidet.

Når avviket er reparert må de fylle ut vedlagte skjema for utført arbeid og returnere det til kommunen.

Skjema sender de til

- post@alver.kommune.no eller
- Alver kommune, postboks 4, 5906 Frekhaug.

Dersom vi ikkje får inn skriftleg tilbakemelding om utført arbeid innan fristen, varslar vi samstundes at vi kan pålegge dykk å utbetre forholdet og fastsetje tvangsmulkt med heimel i forureiningslova §§ 7 og 73.

Kommunens oppgåve og mynde

I forureiningslova § 48 er ei av dei kommunale oppgåvene at kommunen skal føre tilsyn med ureiningssituasjonen i kommunen. Etter forureiningslova § 7 fjerde ledd kan kommunen gje pålegg ovanfor den som har ansvar for det ulovlege tilhøve, som er i strid med § 7 første ledd.

Grunngjeving for førehandsvarsel om pålegg og tvangsmulkt

Det følgjer av forureiningslova § 7 første ledd at *«ingen må ha, gjøre eller sette i verk noe som kan medføre fare for forurensning» uten at det er gitt løyve»*.

I medhald av forureiningslova § 7 andre ledd kan kommunen pålegge den ansvarlege for forureinga, om å sørgje for tiltak for å stanse, fjerne eller avgrense verknaden av den. Med bakgrunn i nemnde tilhøvet, varslar kommunen om at det vil bli vurdert å gje pålegg om retting og ilegging av tvangsmulkt for å få brakt tilhøvet i lovlege formar.

Dersom de er usikker på om utbetringa/reparasjonen av septiktanken er eit søknadspliktig tiltak, kan de ta kontakt med Alver kommune.

Varsel om pålegg om retting og tvangsmulkt

Med heimel i forureiningslova § 7, blir de no varsla om at tiltaket må bli retta **innan 21.02.2021** og dokumentasjon på dette må sendast inn innan same fristen. Utbetring må skje ved at avviket i tanken vert lokalisert og retta.

Med heimel i forureininglova § 73 varslar Alver kommune om at vi vil ilegge tvangsmulkt dersom avløpsanlegget ikkje er utbetra **innan 21.02.2021**.

Frist

Dokumentasjonen må sendast kommunen **innan 21.02.2021**.

De har rett til å gje uttale før det blir fatta vedtak om pålegg om retting og ilegging av tvangsmulkt. Det kan til dømes vere at de meiner opplysningane våre ikkje er rette eller at det fins andre grunnar til at de ikkje har plikt til å utbetre forholdet.

Det vert gjeve ein frist på **3 veker** frå mottak av dette brevet til å svare på førehandsvarselet. Alver kommune oppmodar dykk om å nytte uttaleretten.

Dersom vi ikkje har mottatt opplysningar som inneber at avløpssituasjonen tilfredsstillar dagens krav innan 3 veker vil vi fatte vedtak om pålegg og tvangsmulkt med same frist som i dette brevet.

Vi svarar gjerne på spørsmål på telefon 5637 5000 eller de kan sende e-post eller post til

- post@alver.kommune.no.
- Alver kommune, postboks 4, 5906 Frekhaug

Aktuelt regelverk

- Plikt til å unngå forureining følgjer av forureiningslova § 7.
- Kommunen kan gje pålegg om retting med heimel i forureiningslova § 7.
- Ilegging av tvangsmulkt følgjer av forureiningslova § 73.
- Straffeansvar for forureining eller forsøpling framgår av forureiningslova §§ 78 og 79.

- Plikt til å installere godkjend avløpsanlegg på eigedommen følgjer av forureiningsforskrifta kapittel 12.

Med vennleg helsing
Alver kommune, Miljø og tilsyn

Silje Haukedal
Avdelingsleiar

Astrid Riise
rådgjevar

Dette dokumentet er elektronisk godkjent og har difor ingen signatur.

Vedlegg:

Tilbakemelding om utført arbeid - Alver kommune
Foto

Mottakarar:

Karin Lovise Korneliussen	Stranda 843	5993	OSTEREIDET
Trygve Korneliussen	Stranda 843	5993	OSTEREIDET